

## Inatsisissatut siunnersuummut nassuiaatit

### Nassuiaatit nalinginnaasut

#### 1. Aallaqqaasiut

Utoqqalinersiaqarneq pillugu Inatsisartut inatsisaanni § 17, imm. 6-imi kalaallisuuata danskisuuatalu imminut naapertuutinnginnerat paasineqarsimavoq.

Inatsisip oqaasertaasa kalaallisuuata danskisuuatalu imminnut naapertuutinnginnerat utoqqalinersiallit qanigisaminnik ilisisoqarneranut peqataanissaannut atatillugu angalanissaannut aningaasartuutunik qanoq annertutigisumik matussusiiffigitinnissamut pisinnaatitaaffeqarnersut pingaaruteqarpoq.

Inatsisip oqaasertaasa kalaallisuuani allassimavoq, utoqqalinersiallip illoqarfigisaata avataani qanigisamik ilisisoqarniartillugu peqataajartornissaanut ukiumut ataasiarluni angalanermut aningaasartuutunik matussusiiffigineqarnissamut pisinnaatitaasoq.

Inatsisip oqaasertaani kalaallisuuata malillugu utoqqalinersiutilik taamaalilluni nunamut sumulluunniit killiliineqanngitsumik angalanissaanut aningaasartuutunik matussusiiffigineqarnissamut periarfissaqalertoq.

Aalajangersakkap danskisuuani aalajangersarneqarpoq, innuttaasup qanigisaanik ilisisoqarniartillugu Kalaallit Nunaanni najukkap avataanut peqataajartornissaanut angalanissamut aningaasartuutit ukiumut ataasiarluni matussuserneqarnissaanut pisinnaatitaasoq.

Taamaalilluni Inatsisip oqaasertai danskisuuata naapertorlugu, utoqqalinersiallip angalanissamut aningaasartuutaanik matussusiinissaq taamaallaat pisinnaavoq angalaneq Kalaallit Nunaata iluani nunap ilaanut pissappat.

Utoqqalinersiallip qanigisaanik ilisisoqarniartillugu ukiumut ataasiarluni peqataanissaanut periarfissiinissamik inatsimmi siunertaavoq, kisiannili isumalluutit tunngavigalugit angalanissaq Kalaallit Nunaata iluani taamaallaat pinissaanut killilerneqarpoq. § 17, imm. 6- imut nassuiaatit kalaallisuuani danskisuuani ersarissumik allassimavoq, taamaallaat Kalaallit Nunaata iluani angalanermut aningaasartuutunik matussusiisoqarsinnaasoq.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertaliussat atuuttut</i>	<i>Inatsisissatut siunnersuut</i>
	<b>§ 1</b>
	Utoqqalinersiaqarneq pillugu Inatsisartut

	inatsisaat nr. 20, 23. november 2015-meersoq, Inatsisartut Inatsisaanni nr. 24, 7. december 2015-imeersumi allannguuteqartinneqartoq, imatut allannguuteqassaaq:
<p><b>§ 17, imm. 6</b>  <i>Imm. 6.</i> Utoqqalinersiuteqartut, tak. imm. 1, ukiumut ataasiarlutik najukkap angerlarsimaffigisap avataanut qanigisaminni toqusoqartillugu ilisisoqarnerani peqataajartornissamut angalanermut aningaasartuutit matussuserneqarnissaannut pisinnaatitaapput.</p>	<p><b>1. § 17, imm. 6</b> ima oqaasertaqassaaq:  ” <i>Imm. 6.</i>Utoqqalinersiuteqartut, tak. imm. 1, ukiumut ataasiarlutik Kalaallit Nunaanni najukkap angerlarsimaffigisap avataanut qanigisaminni toqusoqartillugu ilisisoqarnerani peqataajartornissamut angalanermut aningaasartuutit matussuserneqarnissaannut pisinnaatitaapput.”</p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. juli 2017-imi atuutilissaaq.</p>

## **2. Siunnersuutip imarisai pingaarnerit**

Inatsisissatut siunnersuut, kalaallisut danskisullu inatsisip oqaasertaanik naapertuutsitsilerpoq.

## **3. Pisortanut aningaasatigut allaffissornikkullu kingunerisassat.**

Aningaasaqarnikkut kingunerisassat annikitsuaraanissaat naatsorsuutigineqarpoq.

## **4. Inuussutissarsiutinik ingerlataqartunut aningaasatigut allaffissornikkullu sunniutissai**

Siunnersuut aningaasatigut allaffissornikkulluunniit kinguneqassanngilaq.

## **5. Avatangiisinut, pinngortitamut inuillu peqqissusiannut kingunerisassai**

Siunnersuut avatangiisinut, pinngortitamut inuillu peqqissusiannut kinguneqartitsissanngilaq.

## **6. Innuttaasunut kingunerisassat**

Siunnersuut innuttaasunut kinguneqartitsissanngilaq.

## **7. Kingunerisassat pingaarutillit allat**

Siunnersuut pingaarutillinnut allanut kinguneqartitsissanngilaq.

## **8. Oqartussaasunik kattuffinnillu il.il. tusarniaaneq**

Inatsisissatut siunnersuut Aningaasaqarnermut Naalakkersuisoqarfimmut tusarniaassutigineqareerpoq. Inatsisissatut siunnersuummut oqaaseqaateqartoqanngilaq.

## **Aalajangersakkanut ataasiakkaanut oqaaseqaatit**

### *§ 1-imut*

#### *Nr. 1-imut*

Inatsisip oqaasertaasa kalaallisuuata qallunaatuatalu imminnut naapertuutinnginnerat utoqqalinersiallit qanigisaminnik ilisisoqarneranut peqataanissaannut atatillugu angalanissaannut aningaasartuutinik qanoq annertutigisumik matussusiiffigitinnissamut pisinnaatitaaffeqarnersoq pingaaruteqarpoq.

Kalaallit Nunaata iluani angalanermut aningaasartuutitut taamaallaat matussuserneqarsinnaaneranut pisinnaatitaaffeqartoq, inatsisit oqaasertaanik allannguinnermi erseqqissarneqarpoq.

#### *§ 2-imut*

Inatsisissatut allannguneq qaqugu atuutilissanersoq aalajangersakkap aalajangersassavaa.